

SIDERITIS.

* *Ebracteata.*

1. SIDERITIS fruticosa villosa, foliis cordato-oblongis acutis petiolatis, spicis verticillatis. canariensis.
 Stachys fruticosa, foliis cordato-oblongis crenatis petiolatis. *Hort. cliff.* 310.
 Stachys ampliflomis verbasci foliis, floribus albis parvis non galeatis, spica betonica. *Pluk. alm.* 356. t. 322. f. 4.
Habitat in Canariis. h.
Frutex Foliis cordatis, acuminatis, crenatis, utrinque viridibus. Spicæ pedunculatæ, longæ, nutantes: verticillis remotis; Floribus numerosis; Calycibus hirtis, mucronatis.

2. SIDERITIS fruticosa tomentosa, foliis cordatis obtusis petiolatis, ramis divaricatis, spicis verticillatis. cretica.
 Stachys canariensis frutescens, verbasci folio. *Comm. hort.* 2. p. 197. t. 99 fol. *subtus alba.*
 Stachys cretica latifolia. *Tournes. inst.* 186?
Habitat in Creta. h.
Frutex ramis divaricatis, densissime tomentosis, niveis. Folia cordata, crenata, utrinque tomentosa, obtusa, subtus densissime tomentosa & nivea, supra viridia. Spica te dichotomia ramorum, pedunculata, pendula, tomentosa, nivea una cum calycibus obtusis. Floribus circiter octo in singulo verticillo.

3. SIDERITIS suffruticosa tomentoso-lanata, foliis lanceolatis integerrimis, floribus verticillatis. syriaca.
 Cunila calycibus inermibus lanigeris. *Hort. cliff.* 313.
 Sideritis cretica tomentosa candidissima, flore luteo. *Tournes. cor.* 12.

- β. Stachys fruticosa, foliis lanceolato-linearibus integerrimis sessilibus. *Hort. cliff.* 310.
 Stachys minor italica. *Bauh. pin.* 236.
 Stachys lychnoides incana angustifolia, flore aureo. *Barr. ic.* 1187.
 Pilosella syriaca. *Bauh. pin.* 262.
Habitat in Creta. h.
Fruticulus facie Salviæ, sed longior. Folia Salviæ, tomentosa, lanata, alba: inferiora petiolata; superiora sessilia. Flores ex albo flavescentes.